



**Eminentissimi Ac Reverendissimi Domini, D. Joannis
Baptistæ, Cardinalis De Luca, Theatrum Veritatis Et
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Pars I. De judiciis & judicialibus. Hoc est de Sententia & re judicata,
Executione, Attentatis, Judice, Notario, Advocatis, Procuratoribus,
Expensis, & aliis ad materiam judiciorum. Pars II. Relatio Romanæ Curiæ
forensis, ejusque Tribunalium, & Congregationum

**Luca, Giovanni Battista de
Coloniae Agrippinae, 1691**

XIX. De Sacra Congregatione Indicis librorum.

[urn:nbn:de:hbz:466:1-74090](https://nbn-resolving.de/urn:nbn:de:hbz:466:1-74090)

DISC. XIX.

De Sacra Congregatione Indicis libro-
rum.

S V M M A R I V M

- 1 **Q**uod non sit vera propositio, quod moderno tem-
pore libido scribendi creverit.
- 2 Sed quare id certificetur de facto.
- 3 Grecia prius literata, & Italia barba.
- 4 In quibus Italia paribus litera initium habuerint.
- 5 Roma habuit leges à Gracia.
- 6 Deinde Graciam opibus bonis, ac literis spoliavit.
- 7 De regressu literarum, & artium in Graciam, cum
privatione Italie, aliarumque adjacentium regio-
num.
- 8 Et de alto regressu in Italiam, aliasque regiones, cum
privatione Gracie.
- 9 Quod semper mundus fuerit, ac futurus sit idem.
- 10 Antiquius est Sedit Apostolica usus prohibendi libros.
- 11 Qualem erat usus antiquus in hac materia.
- 12 De cura, & officio Magistri Sacri Palatii in Urbe
circa libros.
- 13 Quando super hec materia Tribunal erectum sit.
- 14 Quales libri prohiberi soleant, ac debeant, etiam
illi circa mores, & alia extra fidem, & de ratione.
- 15 Quod parcet, & circumspicit in hoc procedi debeat,
& quare.
- 16 De erectione Congregationis Indicis.
- 17 Remaneat tamen eadem potestas penes Congregatio-
nem universalis Inquisitions.
- 18 Quinam interveniant in ista Congregatione, &
quid in ea agatur.
- 19 Ordinari locorum non concedunt licentiam legendi
libros prohibitos, & qui dent licentiam.
- 20 Omnia sunt gratis, & extra judicialiter.
- 21 An ex bono fine liceat legere libros prohibitos sine li-
centia.
- 22 De aliis questionibus in hac materia cum Magistra-
tibus secularibus, cur non agatur.

Quamvis (pro meo sensu) vera non sit illa
propositio, quae nedum per vulgarem, sed
etiam per plurium senotorum ora volitat,
ac circumfertur, quod scilicet scribendi libido, ac
successive librorum copia, nostris temporibus
nimium, ac in excessu creverit, cum omni tem-
pore, ex dicto Sapientis, eadem fuit humana
conditio, iudicemque mores. *Salomon, lib. Ecclesiast.
cap. 1.* Atque de hoc in specie Cicero, aliqui anti-
qui Scriptores, etiam conqueruntur; Et in no-
stra legali facultate comprobata adeo veneran-
dum, ac necessarium Justiniani testimonium,
quod leges, quae ex ejus compilatione, detractis
glossis, vix unum confiunt volumen, tunc ul-
tra duo millia volumina constituebant. *l.1, & 2.
c. de veter. jur. enuclean.*

Attamen, regulando rerum cursum, tanquam
2 per speciem novi Orbis, ab illis quinque, vel sex
seculis, à quibus, excusso barbarorum servitutis
jugo, Italia, & Hisp. aliæq; nostræ Europa com-
municabiles partes, antiquas literas, & artes re-
stituere cœperunt, dicta propositio verificatur;
Non quod humana conditio diversa fuerit, cum
semper eadem existit, ac futura sit; Sed quia

literarum cultura, quæ per plura sæcula deserta
fuerat, atque in oblivionem penè abierat, paula-
tim reassumpta, quod magis crevit, eo maiores
produxit fructus, atque indies producet; Juxta
naturale exemplum terræ, quæ antiquioribus
temporibus nimium felix & fecunda, si diu abs-
que cultura deserta remaneat, atque ita spinis ac
vepribus repleatur, non nisi paulatim longo
temporis decursu, antiqua amoenitati, ac fertili-
tati restituitur; Sed postquam restituta est, ma-
iores producit fructus, quām priùs faceret; Non
quod terra non sit eadem, sive quod priorem na-
turam immutaverit, sed quia pro qualitate cul-
turæ maiores vel minores fructus producunt.

Idque in hacingenii materia, tam in literis,
quam in artibus, neglectis antiquioribus exem-
plis Chaldæum, Arabum, Egyptiorum, ac Ju-
dæorum, ac aliarum nationum; Atque more Le-
gistarum, aliorumque humanarum literarum
Professorum, id exemplificando inter literas
græcas, & latinas; Sive inter Graciam & Italiam;
Ex Historiorum, aliorumque Scriptorum
communi ac certo testimonio, Græcia literarum
& artium florida mater, & cultrix erat, omnium-
que nationum magistra; 3 Italia vero barba ac
omnino inculta, ad eò ut primævis temporibus, 4
ante Urbis Romæ ad eò fortunatam, ac fatalem
ædificationem, aliqua literarum initia, in A pulia
& Calabria extremitatibus, tanquam in regio-
nibus, quæ Græcia magis adjacent; In Syponina
scilicet, Tarentina, & Crotonensi Civitatibus, ab
Archytis, & Pythagoris, ac aliis habuerit.

Ipsaque Roma, post tertium suæ fundationis
sæculum, Regum dominatione expulsa, atque in
statu jam crescentis Reipublicæ constituta,
quamvis adhuc non adulta, ab ipsa Græcia leges
recipere coacta fuit.

Eadem vero Republica adulta, atque robusta
effecta, Romanorum ac Italorum potentia, ipsa
Græciæ prius opibus & artibus, alisque
pretiosis & conspicuis rebus desertavit, eisque
Italiam dedit; Deindeque literas quoque ad se
tradidit, juxta Rhodianæ Academiæ declama-
tionem, qua audito Cicerone in græcis literis
perorante, facta est; Ideoque Italia effecta fuit
literarum, ac artium fecunda mater, aliorumque
Nationum magistra; Græcia vero penè inculta,
ac barbara evasit.

Verum (ita rerum vicissitudine exigente)
translata per Constantiū Imperati Sede ad 7
Bizantinam Civitatem (qua ita mutato nomi-
ne, Constantinopolitana dicta est,) ad illam
Græciæ partem, Romanarum literarum, & ar-
tium denud translatio seu restitutio sequitur est;
Ipsaque Roma & Italia, aliaeque occidentales
provinciæ, ob tot Barbarorum incursiones, qui
literarum, ac bonarum artium acerrimam, & ca-
pitalem profitebantur inimicitiam, omnino
barbaræ & inculta per plura sæcula reman-
sunt.

Postea vero, per quamdam alternativam, ea-
dem Græcia per Barbaros, ac literarum infen-
tos Turcas, occupata; Ipsa Italia, aliaeque adja-
centes provinciæ, priori literarum, bonarumque
artium cultura, paulatim restituta fuerunt, at-
que indies magis restituuntur, donec (quod
Deus semper avertat,) ejusdem alternativæ, seu
vicissitudinis causa fiat; Unde propterea, (ut
quidam Sapiens bene dicere solet,) Orbis ter-
rarum semper fuit, ac futurus est idem, ab ea
creatio-

creatione, quam sacra literæ veteris Testamenti nos doceant, usque ad illam destructionem, quam ex aliis sacris literis novi Testamenti, ex Christianæ Religionis professione constanter credimus, eademque humana conditio; Mores autem, de una in aliam partem, vel nationem, pro ejusdem Orbis connaturali vicissitudine transfeunt; juxta illud naturale exemplum, quod traditum solet de terra motu, qui per partes probat, ut terra moveatur, & concutitur, & tamen illa in universum semper in eadem firmitate permanet.

Verificata igitur in hoc nostro mundo oomunicabili præfata communi opinione, seu traditione, quod scilicet modernis temporibus scribendi libido, atque librorum copia creverit, ob majorem præsertim facilitatem, quæ post artis imprimendi novam inventionem, vel restitucionem sequuta est; Cum in illis primis hujus restitutionis temporibus modicus esset Scriptorum numerus, atque major esset Episcoporum, aliorumque Prælatorum zelus & vigilancia; Hinc proinde, quamvis ex antiquorum Sanctorum Patrum testimonio, præsertim Divi Hieronymi, antiquissimum esset Ecclesiæ Catholicæ, Sedisque Apostolicæ usus, super prohibitione usus, ac lecturæ illorum librorum, qui sanam doctrinam non continerent, dum omni tempore Catholica Fides, ejusque metropolitica Romania Ecclesia, hæresum turbationes passa est, illam præsertim omnium majorem, quam vix adulta, ab Arrianorum sequacibus, ac fautoribus sensit; Attamen cum Episcopi, aliquæ locales Prælati rectè suum munus in hoc explerent, nulla subefse videbatur necessitas, Tribunal peculiare desuper erigendi dum ipsem Pontifex, per literas, ab Episcopis consultus, sive eosdem desuper monendo, ita rectè providebat; Atque pro ejus particulari Episcopatu Urbis, ac districtus, per sui Palatii Theologum, seu Magistrum, hoc munus particulare sufficienter explebat. *Supra dñe. 8.*

Episcoporum verò, aliorumque Prælatorum charitate frigescente, præsertim autem ex abusu negligenti residentiam, atque obtinendi plures Cathedrales, & Metropolitanas Ecclesiæ in commendam, ad solam utilitatem, adinstar simplicem beneficiorum exortaque Lutherana hæresi, & à qua iniqua matre, adèo iniquiores filii prodierunt; et aquæ superiorius instituta Congregatione Inquisitionis universalis, ista invigilare cœpit, super prohibitionem, ac extirpationem librorum, qui sanam doctrinam non continerent, atque catholicæ fidei dogmatibus, aut bonis moribus, naturalibus, vel ecclesiasticæ potestati, aut christiana pietati adversarentur, seu præjudiciales esse possent.

Quamvis etenim ignarum vel iniquum yulus hanc prohibitionem ad solos libros, qui fidei dogmata contineant, restringere satagat, quasi quod ea, quæ mores, vel pietatem, sive ecclesiasticam potestatem, seu libertatem concernunt, ad fidem non pertineant; Propterea tamen erronea est hæc opinio, quæ ignorante vel malitia filia dici meretur, quoniam ista sunt hæresum vel schismatum semina, vel radices, aut præparationes; Ideoque prudentis medici partes sunt, præservativæ magis, ne moribus nascatur, vel crescat, incumbere, atque ita futuro malo occurere, quam expectare morbi jam execreti; ac do-

miantis curationem, quæ non semper, vel non adèo de facili sequi potest.

Id autem, apud omnes, commendabile reputatur, ut quod magis fieri potest, parcere, accircumspetere in hac prohibitione procedatur, ne facilis, vel frequenter, vilipendium causet, aliaque producat inconvenientia eo modo quo in ecclesiasticis Censuris, canones, atque Concilia docent, ac monent. *in annot. ad Concil. Trid. pluries.*

Cum autem, malo crescente, dictaque Congregatione in gravioribus actualibus negotiis Fidei magis occupata, ista materia revisionis, ac prohibitionis librorum, forsan non adeo diligenter, & accuratè ageretur; Hinc Sextus V. in scripto enunciata multarum Congregationum erectione, istam quoque Indicis librorum, tanquam diæ alterius Congregationis S. Officii in hac parte, vicariam, seu adjutricem erexit *Conf. 74. Sixti V.* Eadem primæva potestate, penes ipsam matrem adhuc remanente, dum ex eadem Dominicana Religione deputatus fuit Secretarius, qui in omnibus Cardinalitiis Congregationibus magnus est minister & operarius.

Constituitur, autem ista Congregatio, ex competenti Cardinalium numero vario, pro Patria placito, habens ut supra, Secretarium Religiorum Ordinis Prædicatorum; Ac etiam in primarium, & fixum consilium habet præfatum Apostolici Palatii Magistrum, cujus antiquitus in Curia singularis ista cura erat; Et ultius magnum quoque habet numerum, Theologia, aliarumque literarum professorum, qui frequentius, omnes vel pro majori parte, sunt religiosi diversarum religionum, sub nomine seu vocabulo Consultorum, quorum partes sunt, diligenter revivendi, ac examinandi libros, quorum suspicio habeatur juxta distributionem, quæ per Secretarium eis fieri solet, ad effectum referendi, & examinandi in plena Congregatione, quæ statutam diem non habet, sed pro negotiorum numero, vel urgentia, in aliquibus anni temporibus haberi solet, ita in ea determinando an liber debet, nec ne, prohiberi; Interdicta locorum Ordinariis, aliusque Prælatis facultate concedendi licentiam legendi libros, qui ab ipsa Congregatione, vel ab altera Inquisitionis prohibiti fuerint, ideoque ad eas privative ista facultas restricta est; Ac etiam ad dictum Magistrum S. Palatii, cum aliquorum librorum exceptione, quam ipsem Congregationes patiuntur, dum aliquorum librorum respectu, ipsi Papa, singulariter, ac privative ista potestas reservata est; Præfato Apostolici Palatii Magistro, ejus primævam continuante auctoritatem conjunctim cum Vicario seu ejus Vicegerente, revivendi per seipsum vel per alios a se deputatos, libros qui in Urbe, & districtu imprimendi sint, atque imprimendi facultatem, nec non jam impensis publicationem concedendi, ut superius in aliquorum Palatii Apostolici officiium rubrica adverteatur. *dito dñe. 8.*

Idemque hujus Congregationis est commendabilis stylus, omnia gratis peragendi, rigorosè prohibita Confessoribus ac Revisoribus cuiuscumque mercedis recognitione, etiam sub pœnitentiæ textu magni laboris, vel expensarum, quæ facere oportet, pro eadem revisione; Omnes etenim Sacrarum Congregationum operarii, præsertim istius, ac alterius supraenunciatae Sancti Gg 4 Officii,

62 RELATIO ROM. CURIÆ FORENSIS

Officii, necnon Rituum, merè gratuiti sunt, laborum mercedem à Sede Apostolica, cum Episcopatibus, vel Religionis muneribus, pro eorum quilibet, ac temporum oportunitate, recipientes, omniaque explicantur in eadem forma extrajudiciali & summaria, nulla judicialis telæ mixtura accedente, eodem modo quo de aliis Congregationibus est dictum.

Super ista vero librorum prohibitorum Letura scribentes, porissimum vero morales, varia questiones disputare solent, & praesertim an, & quando, etiam absque superiorum licentia, ea licita sit spectato fine, vel causa, quia nempe ad bonum finem, atque pro ejusdem Catholice fidei, vel sedis Apostolicae, aut ecclesiasticae protestatis servitio, vel defensione fiat; Meum vero non est, juxta ea-qua in omni materia, omnibusque laboribus utriusque idiomatis protestata sunt, agere de iis, quae concernunt forum internum, cuius Judex est Deus, qui videt in corde sed solum de iis, quae in foro externo judicant homines, qui vident in facie, non autem in corde Atque in hoc foro, receptum est, illicitum esse sibi ipsi jus dicere, atque sub hoc prætextu superiorum præcepta spernere, cum alijs nimium latia via fraudibus, ac legum, & prohibitionum, elusioni locus fieret; Excusatione a penis admittis solita, ubi locorum, quae prohibitione causam dederunt, cancellatio accedit. de hū ait Vermigliol. conf. 1. 86.

Propter eisdem prohibentibus regulis prudentialibus, quæ multa & praesertim in iurisdictionali materia, examinare, ac decidere, prohibent, studiose negliguntur illæ questiones, quæ circa participationem, vel dependentiam laicalis protestatis, super hac prohibitione librorum disputari solent. De aliquid discurrit Scriptor madernus in responsione in materia inquisitionis.

D I S C. XX.

De Sacra Congregatione Fabricæ, ejusque Tribunali.

S V M M A R I V M.

- D**e erectione Tribunalis Fabricæ, & deputatione iudicis.
- 2 Dua sententia conformes habent vim trium.
- 3 De antiquis facultatibus, praesertim circa inviatis alienationes bonorum Ecclesie.
- 4 De hodierno statu hujus Congregationis.
- 5 De duplo Congregatione generali, vel particulari.
- 6 Ad quid hodie restricta sint fabricæ facultates.
- 7 Quod haec erectione dicenda sit potius commendabilis, & de ratione.
- 8 Episcopi sunt legales exequitores piarum dispositionum.
- 9 Expedit adesse plures exequitores & visitatores.
- 10 De facultatibus Fabricæ circa munus exequitorum piarum dispositionum.
- 11 De applicatione incertorum.
- 12 De casu insufficientie bonorum ad operis implementum.
- 13 De casu incapacitatem legatarum.
- 14 Testamenta, & ultime voluntates provenientia à jure positivo, id est Princeps potest derogare, vel dispensare.

- 15 Quod Episcopus etiam de jure posse applicare alios pias operibus dispositiones in opus destinatum non applicabiles.
- 16 De ratione conclusionis.
- 17 De differentia inter derogationes, vel dispensationes Principum secularium vel Pape.
- 18 In quo consistat exorbitantia, que practicari solet.
- 19 De absurdis, & inconvenientibus in observantia legum.
- 20 De aliquibus exemplis exorbitantiarum, & quomodo incerte dispositiones intelligende sunt, vel in casu insufficientia.
- 21 Quod etiam apud Gentiles commendabile esset sumptus pias dispositiones impleri.
- 22 Quomodo intelligi debeant dispositiones favore incapacium.
- 23 De exorbitantia Commissariorum, & inferiorum ministrorum.
- 24 De negotiis, que in hac duplice Congregatione tractantur.
- 25 De ordine, cum quo cognoscuntur causæ contentiose.
- 26 Legata regulariter sunt exequitiva.
- 27 Quod aliquando ista cause sint Rotales, & quomodo.
- 28 Fabrica habet privativam, ubi adgit mixtura eius interesse.
- 29 Quando cause disputentur in Congregatione generali.
- 30 Non tenet præceptum testatoris, quod fabrica non posse se intromittere.
- 31 Quando etiam favore Religiorum incapacium dispositiones sustineantur.
- 32 De decreto Alexandri VII. circa dispositiones incertas favore pauperum.
- 33 De dispositionibus fiduciariis occultis, & ad aures Confessarii, vel alterius.
- 34 Ut intrent facultates ratione insufficientia, requiratur moritio.
- 35 De compositionibus super occultis dispositionibus, id est Fabrica ignota.
- 36 De hoc tribunali Fabricæ in Regno Neapolitano, & quomodo regatur.

A De principiis Apostolorum Vaticanam Basilicam, penè collabentem, restaurandam; sive ad eam redigendam, in eam adeò magnificam, & sumptuosam structuram, quam hodie cernimus, Julius secundus quamplura concessit de Ecclesiæ thesauro dona spiritualia, qui pro dictæ Basilicae fabrica eleemosynas, ac oblationes facerent, & emitterent; Aliquos Commissarios citrâ, & ultrâ montes deputans doxiu. II. Constit. 15. Atque Leo X. amplas concessit facultates ejusdem fabricæ Administrorum Collegio, exequendi pia legata, piasve dispositiones, atque ex ea aliquam partem ipsi fabricæ applicandi (quod aliquam inconvenientiam Catholice Ecclesiæ præjudicium produxit, aliqui dicunt;) Verum Clemens VII. quamplures ex hujusmodi concessionibus moderando, pro meliori ejusdem fabricæ cura & administratione numerosum Collegium sexaginta qualificatorum virorum deputavit, cum pluribus facultatibus, illa praesertim deputandi unum Judicem, ut fabricæ debitores cogere, atque causas ad eam pertinentes summarie decideret valeat; Constit. 3. Clem. VII. Atque duas sententias ad favorem fabricæ emanatas, vim trium habere postmodum indulxit Pius V. Constit. 95. Fin.